



**Historia wie die Zween junge
Fürsten zu Sachssen / Hertzog Ernst vnd Her-
zog Albrecht / von dem Schloß zu Aldenburg /
sind gestolen worden.**

Der XXI. Tittel.



S ist zuuor gedacht worden / das

im Jar 1450. die beiden Brüder / Churfürst Friederich der 11. vnd Hertzog Wilhelm zu Sachssen der 111. dieses Namens im Geschlechte / einen schiedlichen einheimischen Krieg wider einander geführet / Da sie etliche Jahr zuuor durch böse Leute vnd Rätthe zusammen gelassen vnd verhetzet worden / auch sich anfenglichen derhalben vnter ihr Landt vnd Leute vertheilet / vnd damit seherer gegen einander verbittert / weil sie in derselben theilung niche baldt vnd gantzlich eins werden / vnd sich vertragen können. In demselben Krieg /

Behdenkrieg

welcher im genanten 50. Jahr recht entbrandt vnd grösser worden / ist Gera die Stadt im Osterlandt / so das mahl auch noch einen eignen Herrn / welcher von dannen seinen Namen gehabt / des alten Geschlechtes der Voigte im Voigtland / oder viel mehr Osterlandt / der ihigen Herrn Keussen agnaten / vnterworffen gewesen / durch Hertzog Wilhelms Kriegskente vnd Herrn Georg von Poidebrat / welcher mit den Behmen fast ganz Meissen durchstreiffet vnd geplündert hatte / eröbert vnd eingenommen worden.

Gera geplündert worden.

Herrn zu Gera.

Herrn Keussen.

Behmen in Meissen gefallt.

Als nu Churfürst Fridrich seinem Bruder vnd den Behmen begegnet / sind ihm für derselben Stadt aus seinem Volck von den Feinden etliche Leute gefangen worden / vnd sonderlich zweene vom Adel / Nithmeister / Niklas Pflug / vnd Cuntz von Kauffung / welche sich / da sie los sein wollen / eine grosse Summa geldes zu erlegen vnd sich damit zu lösen zusagen müssen. Bald hernach da dieselbe Kriegsfrede vertragen worden / vnd beide Fürsten zu Sachssen / sampt ihren Landesstenden einen beständigen frieden auffgerichtet / hat Churfürst Fridrich dem einen / als Niklasen Pflug sein Ranson gelt / damit er sich gelöset / selbs widergeben. Solches hat der ander / als Cuntz von Kauffung auch alßbaldt begehret / vnd sein außgelegt Gelt gleichßfals wider haben wollen / welches 4000. Gilden sollen gewesen sein.

Nikel pflug vnd Cuntz von Kauffung werden gefangen vnd Ranzout.

Ranzongelt.

Dieser war zuuor auch an Fürsten vnd Herrn Höffen / Item in Kriegen wol verdienet vnd versucht / Denn er eben dieses Churfürsten Fridrichen Hoff Marschalek eine zeitlang gewesen / so hatte er auch denen von Nürnberg entweder als ein Kriegsheuptman oder Oberster wider Marggraff Albrechten gedienet. Er hat aber auff gedachtes sein begeren an den Churfürsten / das man ihm sein Lößgelt auch

Cuntz ein erfahner Hofe vnd Kriegsman.